

ӨТУВЪЯ УДЖ *

Кывзы жӧ, кывзы,
Уджалысь вок:
Уджавны ӧткӧн
Сьӧкыд и шог.

Быдсяма уджын
Ӧткаыд - джын, -
Быдлаӧ колӧ
Кык мында вын.

Страднаяс дырйи
Талялӧ удж,
Он кӧть и эштыв
Шойчыны сутш.

Чеччан да гортад
Уджъясыд тыр, -
Асылыд тэнад
Нюжалӧ дыр.

Быдӧнлы кольӧ
Асылыд тадз:
Мунтӧдзыд колӧ
Ваймӧдны пач,

Лӧсьӧдны сӕян,
Идравны скӧт...
Удж вылад он на
Регыдӧн пет!

Мунан да, уджыд
Эшти́с кӧть, эз,
Бара нин тэрмась
Вайӧдны мӧс.

Сэсса со бара,
Челядь кӧ эм,
На весьтӧ лишнӧй
Муныштӧ сьӧм:

Челядьӧн кольны
Некодлы горт, -
На дінӧ ковмас
Лӧсьӧдны морт.

Кутшӧм нӧ пӧльза
Виччысян сэк?..
Ӧткалӧн овмӧс
Татшӧми век.

Буретш ме татчӧ
Висьтала кыв:
Олӧмтӧ вежны
Эм коллектив.

Дерт ӧд, и сэнi
Уджыд оз быр, -
Ставыс оз вежсьы
Пырысьтӧм-пыр;

Велавтӧм вӧсна
Мукӧдлы дзик
Кажитчас делӧ
Во либӧ кык.

Медводдза воысь
Повны оз ков, -
Он на ӧд сӧмын
Сы дыра ов.

Öтувйöн овны
Эз кö вöв бур,
Эз эськö-й сэнi
Олысьыс сюр.

Кöть и кулакъяс
Кутöны лөг,
Уна «Гигантъяс»
Быдмöны век.

Ярмöм кулаккöд
Нуöдам тыш, -
Öтувтчöм сылысь
Чегъялас гыж.

Кöнi мужиклöн
Жуявлis сөн,
Трактор, машина
Уджалö сэн.

Нель воөн тыртам
Вит вося план -
Трактор, машина
Лоö и тан.

Кутан кö видзны
Öтувйöн скöt,
Сэнi нин лоö
Олöмыд мöд.

Оз нин кут ковны
Ваймöдны пач,-
Важöн пö, шуад,
Колöма тадз.

Челядьлы ясли

Восьтöма дась...
Аддзад-ö öнi,
Мый артмö тась?

Мыйтта сэк прöстмас
Уджалан вын!
Пöльзаыс оз öд
Буракö чин!..

Уджын машина
Кыпöдас öд, -
Кокньыдик уджөн
Лоан тэ пöт.

Гажа колхозын
Вунöдан важ, -
Сьöкыдсö вежас
Серам да гаж.

Кывзы жö, кывзы,
Уджалысь вок:
Уджавны öткөн
Сьöкыд и шог.

Кык мында сетö
Öтувъя удж, -
Öтувъя уджас
Öдйöнджык вудж!

* Медводдзаысь печатайтöма 1930 воын.

Ордым. - 1930. - № 22. - С. 25-26.